

上林縣志

陸卷

團自風歷  
體治尙朝社  
團戶交  
體籍部

民方戶  
團言籍  
表

# 上林縣志



發行處廣西上林縣圖書館  
每部定價大洋 元 角

# 上林縣志卷之六

武緣黃誠沅雲生編纂

## 社交部

歷朝戶籍

戶籍表

風尚

方言敝俗惡習附

自治團體

民團

善舉

## 歷朝戶籍

唐賀水郡澄州戶一千八百口二千三百二十杜佑通典澄州開元戶二千一百六十五李吉甫元和郡縣圖志澄州天寶戶一萬八

百六十八天寶後戶一千三百六十八口八千五百八十舊唐書地理志澄州戶千三百六十八口八千五百八十唐書地理志澄

州唐開元戶一千八百二十樂史太平寰宇記上林縣九里原額一百零七戶後存九十二戶張邵振舊志

謹案此明季之戶籍也一縣人戶而不滿百可謂凋零已極其故惟何蓋疊遭兵燹民皆死徙流亡矣

上林縣人丁二千四百四十一丁郝浴廣西通志國朝康熙二十年編審增人丁七十七丁六分應徵丁銀二十二兩五錢

零四釐全熟入在縣額徵輸共人丁二千五百一十八丁六分該丁銀七百三十一兩八錢零六釐除荒丁七十

五丁六分九釐六毫荒丁銀廿一兩九錢五分叁釐實徵舊熟人丁二千四百二十二丁九分零四毫該丁銀七

百零九兩八錢五分三厘張邵振舊志

上林縣志卷之六

一

廣州市龍藏街西雅印

人丁原額二千四百四十一丁每丁編銀二錢九分共徵丁銀七百零七兩八錢九分除荒外現徵熟丁銀六百

五十八兩九錢六分七厘三毫有奇同上

上林縣原額人丁二千四百四十一丁內除荒一百一十九丁一分一釐實徵二千三百一十一丁六分九釐零

康熙二十年審增人丁七十七丁六分雍正五年九年編征新墾捐納陞科人丁共一十丁零二分三項共二千

三百九十九丁四分九釐零該征丁銀六百九十五兩八錢五分二釐零康熙五十五年六十年雍正四年九年

編審滋生增溢人丁共二百三十八丁金鉞廣西通志乾隆元年至三十六年丁六百九十七以後停止編審參謝啓昆廣西通志

國初丁銀悉沿明制十年編審豁除逃亡增入新附然州縣每以溢額為最除之數少而增之數多迨康熙五十

二年恭奉恩詔海宇承平日久戶口日繁地畝並未加增宜施寬大之恩並享熙皞之樂嗣後直隸及各省地方

遇編審之期察出增益人丁止將實數另造清冊奏聞其徵收錢糧但據康熙五十年清冊定為常額續生人丁

永不加賦用副朕休養生息之至意休哉誠三代後未有之盛事也雍正四年從豫撫田文鏡題請丁糧攤歸地

糧一例徵收與其派在人而多貧民之累孰若攤在地而得賦稅之平通行直省天下便之徐衡紳縣志

謹案地丁歸併對於官吏徵收方面固屬簡便第民多游手且無確實可稽戶籍咸同以降未嘗不編聯保甲頒給門牌要不過奉行故事泊來造開辦選舉雖亦具有調查烟戶清冊然皆虛報數目冀圖當選尤不足徵信云

中華民國七年二月始行調查戶口採訪

舊制分爲中東南西北五北六共六區現依次改爲第一二三四五六區區之區域仍舊區之下原有團設支局十戶爲一甲五甲以上爲一村現因新制尙未實行仍於團支局下暫爲村甲計全縣共一六六九四戶最大爲藍甲村計八八八戶最小爲水欖村計一一零戶全縣共一六六零甲共一六六九四戶區設區局長正副各一人村設村公所村長正副各一人現尙未改村仍稱團董甲設甲長一人  
廣西民政視察報告彙編

全縣共一六六九四戶男六八二九零丁女五五二一七口合計一二三三五零七人經過清鄉時報查尙確實同

謹案戶口人丁數此次各處送到採訪與自治籌備處冊載多有不同惟自治籌備處既屬特設機關則其冊籍當得其實故茲下列之表俱根據該處民國二十二年之冊而以採訪所得附錄於後用備參考

戶籍表

鄉區	劃定村數	城市包 括在內	甲數	戶數	丁數	口
東關	八		一百零一	一千零五	二千九百八十一丁	二千四百九十口
澄江	二街四村		八百四十	八百三十九	一千八百丁	一千七百一十九口
澄泰	八		九十三	九百三十	二千五百八十六丁	二千零九十四口
鎢鄒	十		一百一十七	一千二百二十八	三千七百八十六丁	三千四百零七口
里丹	十三		一百一十九	一千三百八十八	四千一百三十四丁	三千零二口
協和	七		七十六	七百五十八	二千零六丁	一千九百六十八口
以上第一區計六百二十甲六千一百四十戶一萬七千二百九十三丁一萬四千六百九十口						
榮富	九		一百零七	一千零七十一	三千七百九十四丁	二千六百四十二口
繁富	八		一百零二	一千零一十二	三千七百二十七丁	二千五百四十口
鄒墟	八		六十五	六百三十	一千七百四十五丁	一千六百零三口

智勇	三	九十二	九百一十四	二千三百四十丁 一千九百二十六口
----	---	-----	-------	---------------------

以上第二區計三百六十六甲三千六百二十七戶一萬一千六百零六丁八千七百一十一口

尙仁	十二	一百零七	一千零七十	三千零八丁 三千三百九十六口
尙義	四	一百五十一	一千五百零九	四千零九十二丁 三千五百五十六口
尙禮	四	一百零五	一千零五十五	二千六百五十五丁 二千三百三十九口
思隴	六	一百	一千零三	三千零六十一丁 二千四百八十五口

以上第三區計四百六十二甲四千六百三十七戶一萬二千八百一十六丁一萬一千七百七十六口

上級	六	一百三十二	一千三百一十七	二千六百一十五丁 二千零三十一口
----	---	-------	---------	---------------------

西燕	六	一百零二	一千零一十三	一千八百七十五丁 一千四百四十八口
鎮墟	六	一百零八	一千零八十四	二千六百一十六丁 一千九百五十九口

以上第四區計三百四十二甲三千四百一十四戶七千一百零六丁五千四百三十八口

朝陽	七	八十四	八百四十五	二千零五十七丁 一千式百一十式口
恭睦	三	一百式十一	一千式百一十	式千七百零四丁 式千三百六十四口
萬壽	四	一百五十三	一千五百式十六	四千式百九十六丁 三千五百一十五口
萬福	二	一百零一	一千零六	二千七百一十六丁 二千五百零四口
雙賢	四	一百二十伍	一千二百四十七	三千零七十七丁 二千伍百三十口

東 撫 四	七十八	七百八十三	二千零六十七丁 一千八百八十九口
-------	-----	-------	---------------------

以上第五區計六百六十二甲六千六百二十七戶壹萬六千九百一十七丁一萬四千四百一十四口

塘 石 四	一百二十六	一千二百六十	三千六百四十九丁 五千九百八十二口
北 更 五	一百四十五	一千四百五十	三千二百零八丁 二千五百零一口
安 良 四	一百零二	一千二百一十四	二千二百八十五丁 一千七百九十八口
藍 甲 六	九十	八百九十九	二仟一佰四十七丁 一仟六佰六十八口
古 蓬 十	一百二十三	一仟二百二十九	二仟九佰九十七丁 二仟三佰二十四口
思 吉 六	一百零五	一仟零五十三	二仟五佰九十九丁 二仟零三十三口
周 安 二	八十一	八百零六	一千四百九十四丁 一千二百八十四口
馬 蹄 八	七十	七百零四	一千五百八十八丁 一千三百七十六口

上林縣志卷之六

四

廣州市龍藏街西雅印

以上第六區計八百四十二甲八千四百一十五戶一萬九千九百六十七丁一萬五千九百六十六口

右六區三十一鄉共一千七百七十八村三千二百九十五甲三萬二千九百五十戶一十五萬六千七

百丁口 內男丁八萬五千七百零五  
女口七萬零九百八十五

訪冊所列戶口數澄江土客共四千七百九十戶三千四百四十五丁口鎮鄒土客共一千二百二十八戶七千二百零五丁口鄒墟無客籍土著凡二千五百二十四丁口尚仁土客共一千一百六十戶五千四百七十六丁口思隴無客籍純係土著五千二百八十三丁口鎮墟土客共一千一百一十三戶四千六百九十六丁口鳳起之半甲土著三百七十五戶一千六百四十丁口北更無客籍土著四千八百六十丁口藍甲無客籍純係土著五百零七戶三千五百六十四丁口其無職業者平均計算殆占十分之一五本年廣西民政季刊謂上林縣有男丁六萬八千二百九十女口五萬五千二十七共一十二萬三千五百零七丁口

謹案民數日增而田畝則僅有此數無感乎失業者多謀生之術非盡由於民性懶惰也藏富於地交通阻滯瞻彼明山之無盡寶藏吾不禁浩然興歎矣

## 風 尚

詞訟簡少男女並耕土不種麥樹不植桑

却浴廣西通志

林邑土膏較之他邑頗腴但以氣炎土燥故穀不宜於麥樹不利於桑地性使然人力不能強也曩者俞公寅嘗給麥種教民樹藝然苗而不秀有明徵已其俗男女並耕趁墟爲業土著之民惟勤農務兼事詩書冠婚喪祭一遵古禮若感化鄉上下無虞鄉等圖人性最馴每歲節序元旦設香燭被吉服拜天地君親師位乃家族鄉黨交賀盡日而止迎春日競看土牛芒神或挿春鞭春花於門首謂之散春元夜亦有燃燈敬神嬉游爲樂者清明節男婦掃墓祭畢則就墟間或崇坡曠野藉地暢飲以爲踏青之樂三月三日真武誕辰建齋設醮或俳優歌舞樂工鼓吹三日夜謂之三三勝會至期送聖群放花炮酬神觀者競得炮頭以爲吉利且主來歲之緣首焉五日雖泛龍舟然亦拆艾泛蒲以佐角黍六月六日爲青苗會祀田公田母以祈有年七月中心元祀先報本極盡誠孝比戶皆然一年大節無以過此元旦除夕不能及也每當春秋仲月二日里鄰祀社以盡祈報之誠其建社也壘甃爲壇立石爲主朝夕焚香禮拜綽有古風若爭訟兩不相下則就顯赫神靈叩廟設誓限日求報有驗者訟卽得理

上林縣志卷之六

五

廣州市龍藏街西雅印

衆皆直之或遇疾病不服醫藥輒延鬼師歌舞祈禱謂之跳鬼婚聘所用檳榔以當委禽凡有交際亦以檳榔爲先客至茶話及宴會俱用以致敬其宮室類多築土剪茅儉陋自固但山風多厲竹木易朽風之所刮蛀卽生焉木中軋軋有聲不數年卽當一易凡取竹木須於七八兩月採伐漬之汙水中累月方免生蛀故有七竹八木之諺其民皆安土重遷不逐末服賈三日一趁墟悉任婦人貿易男子怠惰嬉游不勤生理蓋素所習慣然也

張邵振舊志

謹案上林土極宜麥樹亦利桑特康熙時猶無人認真倡率故張志云爾也今則每年一屆麥秋卽家家收刈堆積磨之漚之製成掛麵行銷甚速惟種桑者尙屬寥寥以養蠶之人甚少遂致坐失厚利耳長民君子詎可厭憚煩瑣而不爲之一施籌畫耶鬼師卽俗所稱之尸公

上林百姓皆土著無異類雜居民風樸茂務農業冠婚喪祭一遵古禮縣治之北百里漸近土狼習染跳梁今亦

蒸蒸向化

金鉅廣西通志

風化所被人文蔚興間有猺狼今亦向化

謝啓昆廣西通志

每歲節序元旦鷄鳴時燃燭焚香喧爆竹設果餅祀祖先竈神各肅衣冠屏拜少長以次稱慶旬日內宗族親串往來賀年立春先一日官率僚屬農人簪花迎土牛芒神於東郊打春後以土牛分送薦神是日上林一里裝麒麟三關裝獅豸同到縣署迎春自是以次下鄉謂之游春正月十一日爲頭燈十五爲元燈羣集本坊社壇飲酒正月自初旬至上元後村童競鬧鑼鼓夜燃彩燈陳設龍燈馬燈獅子採茶花鼓諸故事沿村戲舞二月初二日花

婆誕辰建齋演戲三日夜羣放花炮求子者競搶頭炮以爲吉利且做來年主緣三月自清明至穀雨各具牲醴五色糯飯上山掃墓培土掛紙祭畢羣聚墘間藉地飲酒食菜包飯謂之掃青五月五日插蒲艾於門包角黍具牲醴祀祖飲雄黃酒製綵囊實以香藥佩之於小兒女衣上又採百草煎湯洗浴以祛疾疫六月六日爲青苗會各鄉延巫詣管苗廟祀田公田母以祈有年謂之調廟七月中元節自十三日始人家設位於廳事陳香燈酒果如事生禮至十五日焚冥器謂之薦祖八月中秋具牲醴餅芋祀祖入夜兒童以柚子紮彩燈放池中以爲樂閨人結伴設果餅拜月或點燭焚香插於柚子繫在高竿之上謂之點天燈燒天香村各有社壇壘甃爲壇立石爲主樹以榕二月初二日爲頭社次及四六八九等月皆祀社神十月收成延巫就社壇建平安醮禳災逐疫俗以是月初一日定風色旬月內俱南風者主來歲大熟冬至日作冬粢具牲醴以祀祖先腊月念三具糖粢魚酒以送竈念四日掃屋除夕祀祖後貼春聯於門放爆竹謂之送舊迎新有徹夜不眠者謂之守歲四時之俗尙如此

徐衡紳  
縣志



歡以盡主人之誼倘遠客到來則欸洽更爲殷摯其舊時所有迎春裝獅子麒麟等俗均於民國元年一概禁除即二月六月十月修齋演戲放爆求嗣青苗調廟建醮逐疫等事亦將改革殆盡惟節序祀祖作社清明祭掃中元供饌於先人靈位之前則仍循舊習也

據採訪修

全縣除第三區人民早粥夜飯外餘皆啜粥且多參以包粟小麥非遇年節鮮食稻米間有六十以上請壽酒者

則以長子須行反哺之禮以飯菜喂之

廣西行政視察報告彙編

第一區田主與佃農平分田中所產物其餘各區或主三佃七或主七佃三然皆口頭訂約不立契券而却絕少

爭執

同上

上林度量衡之不同度有四種曰公藝尺曰康熙十六排錢尺曰十六排銀尺曰最短無名尺公藝尺比較營造尺長五分強十六排銀錢兩種尺比較海關尺長七分弱其無名尺則等營造尺之七寸然不甚通行量分七種曰正升曰半升曰三合升曰合勺曰大升容量等於庫平法碼二斤者爲正升最爲通行一斤爲半升正升三分之一爲三合升合十爲升勺十爲合合勺二種用以比較正升小大之彌補加減惟米商有之大升又分二種一爲明山茶戶升每升比較正升增加半倍名三斤升一爲油榨升比較正升增加八兩或四兩不等謂之二斤

上林縣志卷之六

七

廣州市龍藏街西雅印

半升或二斤四兩升衡分通行最重最輕及古制凡數種現在各市肆通行者名通行秤每斤等於庫平法碼一十爲一斤最重者爲西區藍葉秤每斤等於庫平法碼三十二兩名雙碼秤最輕者爲佗蒙村龍眼秤每六兩斤等於庫平法碼十兩或十二兩名鬼秤鄉村古制分二種一以庫平碼法十七兩爲一斤一以十八兩爲一斤第市肆則不通行此外又有墟間屠戶特置之秤桿上星眼五六條直下他人不能認識或頭重尾平或頭平尾重或中間平而兩頭重或中間重而兩頭平是則駟儉欺人無足置道矣

採訪

### 方言 敝俗惡習附

上林土語種類不一曰正音縣城及北區各墟所操之語是也曰獐語卽苗語各鄉所操之土音是也曰狃語又稱客語如與賓陽隣近諸村所操之音是也曰狡語因新自外來又曰新民麻介語今白墟青泰諸新民村是也然諸語易曉惟苗語皆古音古訓曉者絕少故不適於俗先進之等於野人也固宜

補述

上林土語有獐話客話二種客話有音有字獐話亦間與之同如紙筆墨硯琴棋書劍等類是也其有音無字者如謂天爲溫地爲埔人爲佗飯爲厚酒爲縷牛爲懷虎爲穀等類必待譯而後通

徐衡紳縣志

粵俗中有彼此合稱謂之佗如所稱我輩是也查諸字書如玉篇集韻韻彙等書皆無此字至讀白虎通曰魂猶

佻也。行不休也。按佻，佻即芸芸，紘紘亦人衆夥之說耳。語或取諸此。張鵬展毅  
論堂全集

山無草木曰瘠。本字爲岵。詩魏風陟彼岵兮，毛傳以山無草木曰岵。鄭箋從之，正與苗語合。爾雅反是，馬融許慎等從之。自漢至清，諸儒相持不決，由不知風詩大半係譯苗音歌謠而成。故當以苗語爲斷。左太沖吳都賦云：岡

岵，童是亦從毛。鄭而不從，爾雅說文矣。李毓杰中定  
國元音未稿

牛謂之懷。本字爲齠。說文疆曲毛可以箸起衣，以犛省來聲。洛哀切。詩小雅黍苗：我任我輦，我車我牛。我行既集，

蓋云歸哉。牛哉同韻。同上

取物曰摳。音歐。列子黃帝篇以瓦摳者，巧以鈎摳者，憚以黃金摳者，昏註以手藏物探而取之也。又莊子天運篇：一君無所鈎用，註鈎取也。又說文手部攄字下說解引取也，以手孚聲，步候切。均與摳聲近。按取字古讀爲摳。詩小雅老馬反爲駒，不顧其後，如食宜齏，如酌孔取取，與齏後駒同韻。

飛謂之升，從非聲。詩邱風燕燕于飛，下上其音。飛與音及下句南心同韻。又小雅菀柳有鳥高飛，亦附於天。鐵因切。飛與天及下句臻矜同韻。又淮南子原道訓：山以之高，淵以之深，獸以之走，鳥以之飛，日月以之明星，辰以之行。飛又與深、明、行同韻。自宋吳棫、明陳第於詩首倡叶音，而於此字並未叶及，以不諳苗語故也。

久謂之浪，而亦謂之難。又謂之乃。公羊傳：宣公八年冬十月己丑葬我小君頃熊，左傳作敬嬴，雨不克葬。庚寅日中而克葬，頃熊者何？宣公之母也。而者何？難也。乃者何？難也。曷爲或言而，或言乃？乃難乎而也。今苗語而乃難三音俱備，則孔子當日筆削春秋公羊傳，經皆用苗語也。後人於而字旁加寸作耐，合而乃爲一字，失古訓矣。速謂之儂。音縷。公羊傳：莊公二十四年八月丁丑，夫人姜氏入，其言入何？難也。其言日何？難也。其雖奈何？夫人不儂，何？註儂疾也。齊人語，按齊語與今苗語同。孔子既以苗語修春秋，公羊不能不以苗語傳之。否則主客異音，成入室操戈矣。穀梁傳亦同此例。後人治春秋者，或未知及此例也。

抱謂之擁。史記夏侯嬰傳見孝惠，魯元竟載之。徐行面擁樹，乃馳。集解引蘇林曰：南陽人謂抱小兒曰擁樹，與此正同。

入謂之考，亦通好。考好二字從粵語讀。公羊傳：隱公五年九月考仲子之宮，考宮者何？考猶入室也。又周禮考工記：璧羨尺好三寸，以爲度。註好孔也。又錢內孔方亦稱好，所以便組綬繩索之穿入好與考俱與苗語音同。間道途之遠近數昏，以對昏。本字爲眡之。忍切。音軫。俗音稍轉耳。周禮地官遂人：十夫有溝，溝上有眡。註軫容大車，如問路若干里，係十里則對云十里昏。稱眡不稱道路者，以古制道容二軌，路容三軌。本境無此康莊也。語有

分寸今縣界武緣各村均有此詞

有謂之眉有古从月于聲于羽鬼切洧賄等字皆從眉聲詩小雅四月滔滔江漢南國之紀盡瘁以仕寧莫我有又魚麗物其有矣維其時矣以及甫田商頌凡有字無不作眉聲讀若用今音讀西則詩皆出韻雖孔子復生不能絃歌矣

風字呼音如林按風古亦作飡从風林聲與詩之風字符悖反同水亦謂之林林字从粵語讀其木字爲坎苦感切莊子大浸稽天浸與坎音近故通用說文水部說解水準也以準入聲有坎音故耳釋名水準也白虎通水之爲言準也周禮考工記鄭注準讀爲水則水亦可讀爲準矣皆因準有坎聲也篆文水旁之字仍依坎卦畫作出然其形存其音亡矣惟苗語尙存古音義也按坎與浸準三字須從粵音讀方得其相通之聲若從正音讀三字之音各相去千里爾雅白虎通說文鄭注均可刪矣

村落謂之晚本字爲鄴周禮地官遂人四里爲鄴卽百家也今俗於百家或有出入者均謂之鄴

謹案青箱雜記市之所在有人則滿無人則虛而嶺南村市滿時少虛時多其村落謂之滿者蓋以村則人所常聚對於墟市而言

死謂之歹詩魏風夙夜必偕尙慎旃哉猶來無死死讀歹蓋古从七歹聲故也後人顛倒之从歹七聲故音矢古

上林縣志卷之六

九

廣州市龍藏街西雅印

今左右形聲之不同類此者不可勝計

謹案死謂之歹不如直引殆之爲確而遠舉詩經轉致迂曲也

田謂之那平去二聲近人海寧王國維殷墟卜辭所見先公先王考云甲骨卜辭中數十見之田字从甲在口中及通觀諸卜辭而知田卽商先祖之上甲微云云按十卽古甲字故云甲在口中苗音謂田爲那卽甲之轉音証之殷墟骨甲文知殷先王亦苗語也又鄭詩叔於田乘乘馬與甲同韻則鄭國亦讀甲也上篇叔於田巷無居人則又讀田爲陳與人同韻蓋二篇不欲雷同故一讀陳一讀甲甲卽夏殷語之流傳矣說文田陳也則又周語矣

謹案那南也詩所稱之南畝蓋卽田畝對舉之詞

雷謂之把从雨田聲古讀田爲甲詳見上田字故把字有甲聲詩召南殷其雷音把在南山之下雷下同韻知周初猶操苗音也

謹案雷謂之把當曰把析把析卽霹靂二字之音轉

魚謂之巴从火田聲田亦讀爲甲故巴有甲音詩召南一發五駮於嗟乎騶虞讀牙虞魚讀巴同聲故與貳葭同

韻又魯頌駟駟牡馬在坰之野薄言駟者有駟有駟有駟有駟以車祛祛思無邪思馬斯組魚與馬野邪組駟同韻讀愚讀巴有二叶矣

苗語謂躬爲躒按韻補躬叶俱王切陳琳大荒賦延年其不可留兮何勤遠以苦躬音康紛吾情之駘蕩兮嗟吾願有弗違見字典是躬入七陽韻讀躒矣廣韻躒訓身長也正與躬音近義同又詩小雅小東大東杼柚其空空叶都郎反讀如康躬空同音空可讀康則躬亦可讀康又桑中篇期我乎桑中原叶諸良反要我乎上宮叶居王反躬宮亦同音宮可讀康則躬亦可讀康知俗語有本又按詩式微章微君之躬胡爲乎泥中躬中二韻亦當如桑中篇叶方合古音爾

苗語謂女子牝戶爲也按說文也字下說解云女陰也篆文从𠂔象形又匚部匱字下說解云似羹魁柄中有道可以注水雖專解匱中也字而女陰之義亦可旁通矣後人省七七仍帶也聲以此七加於牛後作牝則爲牝牛加於鹿後作麀則爲麀鹿但動物類以億萬計加不勝加故馬亦稱牝馬不作駝雖牛繼馬後不恤也雞亦稱牝雞寧以獸之牝加於禽類斷不可作麤雖雞口牛後不恤也於字義上實不可通至女陰而目爲牝戶是直以牛加於人矣近於無理考古人於土旁加也爲地以地爲生物之母故也然較伏羲之用坤字雅俗固不倫矣今也

上林縣志卷之六

一〇

廣州市龍藏街西雅印

字之義亡之已久康熙字典亦不收此訓故地牝麀化等字之義愈湮後人知牝不可加於人別制屎字代之孳乳日多矣

苗之謂虎爲穀按左傳宣公四年楚人謂乳穀謂虎於菟此爲苗語無疑但皆假借字實則穀當依爾雅與說文作穀菟字當作頭苗語動物以頭計頭字从頁豆聲苗人讀豆如菟可證菟爲頭字之假借矣乳與於音近左氏雖身爲國史然北人不解南語解釋此三字已顛倒前人亦曾議之但議者之人亦不能明白說出今試以苗語正之當云楚人謂虎菟穀謂乳於則與楚語合矣子文之取此名不特假借其字作隱語並錯綜其辭使人聽之不覺蓋恐過於顯露適揚其母之淫行故倒其辭曰穀于菟猶苗語稱虎乳頭也左氏順名釋之曰乳虎合於菟二音爲一音望文生義宜其悞也

苗語又稱穀爲穀長箋穀有糠秕故从穀按穀古語亦讀如穀詩維絺維綌从糸谷聲原音叶去略反讀谷如穀不作古祿反與下文服之無斃叶鐸爲韻今俗語正與詩合又詩王風穀則異室毛傳穀生也疏凡穀皆訓善此穀字與下句死字對文故又訓生也按穀訓生前人未有明解謂穀能養生歟上古未有粒食食草木之實亦可生也謂穀能易生之物歟草萊亦易生也均不足以作此字訓生之証據竊爲此穀字當爲覺之假借字古從

與之字皆讀穀故帝馨字從與讀穀詩大雅有覺德行禮記緇衣作有侁德行是讀覺爲穀而穀則爲覺之假借字無疑蓋人生則覺死則無覺故以覺對死言猶之醒則有覺寐則無覺故詩王風云尙寐無覺夫覺可對寐並言則覺亦可對死並言因覺穀同音相借故訓生也與左傳頭穀稱菟穀主聲不主義正同又按古國君謙稱不穀卽無知覺意猶不才不佞之類

邁字詩經習見而他經則否此字與苗語行曰派者音甚近此必周代齊魯陳衛諸國民間語言未盡同化歌謠猶用苗音太史采風依聲譯之以觀民風故編之於風如行邁靡靡行與邁並言亦有時獨言邁者鄘風二子乘丹汎汎其逝願言思子不瑕有害逝字不入韻今本亦無叶音若改作邁與害爲韻則上下諧矣今正音讀逝爲仕宜吳陳二公求不出害字之叶音也由邁字之聲推之如蔓草篇之邂逅相遇綢繆篇之見此邂逅此二邂字與邁聲近亦當訓爲派邂逅猶俗云派到逅與到音近卽行到也邂逅相遇猶言無意中行到此相遇後人釋邂逅二字爲不期而遇邂逅既是非期而遇下文相遇二字不已贅設耶因注書人不解苗音逢此等字望文生義其訓似是而非亟宜以苗語更正之不可仍爲毛傳所誤也

詩齊風盧令令毛傳田犬也戰國策韓國盧天下之駿犬盧之名首見於此說文皿部盧下說解云飯器也無犬

訓今苗語亦無此名但稱犬爲罵而已說文犬部說解云狗之有懸蹄者也是犬由懸得聲今縣多此種犬而罵之名則從犬本字大得聲音罵作平上二聲是從形聲以得者此古音今音之別也然苗語雖無盧名而呼犬則作努努聲努卽盧盧之轉音無可疑者推盧盧呼音之由來實山田犬知覺較優於衆犬故得此美稱苗語凡有知覺者謂之虜音掠又謂之盧田犬能知主人意指揮發縱惟命是聽故主人因其盧而寵異之於衆犬特呼之爲盧盧今俗對於獵犬亦嘗省詞贊之曰此犬甚虜是其証也沿呼既久盧遂爲田犬獨專之美名亦猶小犬多繫項鈴今俗呼小犬者無論項有鈴無鈴輒作鈴鈴聲因名之爲佞讀如駟佞矣案佞卽鈴之轉音盧之得名亦猶佞之得名與詩稱令令固不遠也

苗語謂直爲索其本字爲縮縮索爲疊韻縮字見孟子自反不縮自反而縮二語集註縮直也禮記檀弓古者冠縮縫今也衡縫詩陳風衡門之下孔疏云衡古橫字今衡縮對舉則縮必爲直可知矣朱註當本此漢樂府焦仲卿妻詩云命如南山石叶碩四體康且直叶縮阿母得聞之零淚應聲落下與閣薄郭爲韻又楚詞九歌云命五常以拆衷兮戒六神與嚮服叶蒲北反俾山川以備禦兮命咎繇使聽直叶縮皆讀直如縮又魏風樂國樂國爰得我直上與德麥爲韻古文德字從惠直既讀如縮則息字從直亦當讀縮故此詩直字當有寂縮二叶詩嵩高

申伯之德柔嘉且直揉此萬邦聞於四國吉甫作頌其詩孔碩其風肆好以贈申伯亦然具此數證知苗語有據而孟子之縮與詩之直字異而音義實同矣推縮字取義實起於弓弦上古射獵爲生弓爲人人必備之物苗語曲者謂之弓故彎穹等字凡義涉曲者字皆從弓曲既名爲弓直者必名爲弦故古有直如弦死道邊之謠但上古民智未開不知用筋爲弦以索代之故見不曲者輒比之於弦名之曰索後人造縮字者取其音義左從糸卽索之形右從宿卽索之聲成左形右聲字矣不特弦稱縮而已卽矢亦稱縮故詩人又有其直如矢之句周禮冬官考工記舛胡之筈註筈箭幹也筈以竹可聲可與索亦聲近是筈亦有縮音矣又古文直作𠄎從鹵鹵縮音近卽字之聲從𠄎卽索之形也作書者求其字畫之整齊其作橫者不關意義也下從木以木從繩則縮繩卽索之別名形聲又兼會意是造字之始直卽讀爲縮矣後人將鹵字上之卜改爲十又以𠄎字代𠄎且又改作且且卽古祖字殷墟甲骨文祖字皆作且如祖乙作且乙檀弓曾子曰祖之爲言且也故祖阻祖俎等字皆從且是且卽祖矣祖亦與縮音近故雖改𠄎作直而音仍讀縮𠄎之形雖亡而聲猶存如上焦仲卿妻詩楚詞詩魏風是也久之且變爲竊音而祖音亡鹵音索之音隨之均亡十之音由此盛行而縮之古音義無人知者趙岐注孟子縮訓義也是漢人已不知矣何幸古音古義猶存諸戰敗民族之苗人口也又按殷墟甲骨文十皆作一今商家所用碼字凡十皆作一卽沿古也象弓弦索形直字左从𠄎卽此索之形與縮字左从糸意義均同後人改一作十加於且字之上作直又減去其左索此字之義湮而直變爲十字音矣再考縱橫二字縱爲直故字從糸準繩之用爲直亦從糸經權二字經爲直亦從糸皆取義於索可知益以證明縮字乃從弓弦而來<sub>俱同</sub>

廣西土語派別甚多在宋已然太平寰宇記邕州提屯俚獠有四色語各別譯而後通案提語今日挨家話俚卽黎人現僅廣東瓊州有之屯原注音已今邕寧縣東南及永淳賓橫一帶之土話皆是而檀默齋說蠻則謂屯卽今五指山內之岐人岐猶黎也則黎俚乃屬一類矣獠語嶺外代答曰夔語夔卽獠之音轉當卽今之獠話爲通省頑固儔輩所極意保存者啁啾格磔驟不可辨惟其爲駱越遺語而小數秦漢古音轉藉之以未墜於今焉蓋外來之語幾經變化喪所本來而里巷殊音則猶間存故訓故考古者亦不能不於此而致諸意爾查獠語類多倒置如謂婦考曰娒公則倒爲公娒古辣墟站墟則倒爲墟古辣墟站諺所謂客直謂平話直說平話者介於官話粵語二者之間者也客對土著而言粵語亦曰白話以其明白易曉故云也官橫謂官話可以縱橫變化獠倒顛也然考諸經傳書祇台德先卽先祇台德也詩逝不古處傳訓逝爲逮古處也章氏廌書舉墨子非樂引武觀曰野於飲食卽飲食於野也今外國語先名字後助動字者亦屬斯例蓋由草昧初開隨意佶屈不足爲異土語

與官話近者如二曰雙讀此江切孟曰碗杯曰盞墳曰墓鮒魚曰鮒光曰亮放曰縱哭曰啼上聲行曰邁卽詩行邁聲轉如擺自稱曰躬音近够起曰興燒曰燔蓄水處曰淀轉曰浪殺曰馮卽馮割之古字聲如假衣曰布御衣曰登布虹曰蟬螻皆依音直讀無煩迻譯而可通其稍僻者則畧爲銓次如左父曰爸轉曰甫釋名父甫也始生已也案聲皆如波轉作卜婦翁曰公侈方言南楚之間謂婦妣曰母侈婦考曰父侈注音多案本省壻及外孫概稱外祖丈人曰公侈重讀如他蓋由歌入麻矣母曰嬖曰婢聲如備廣雅婢母也集韻齊人呼母曰嬖李賀稱母曰阿嬖案嬖如咩卽羊聲也此爲天地元音與英吉利人之呼阿媽同人類尊親固莫能相外也大曰荒爾雅洪戎大也廣雅荒大也釋名兄荒也案土語凡大皆曰荒引聲如闕闕卽弘亦卽洪伸以名人之壯老者亦曰荒更引伸以名兄亦曰荒讀盧紅切音轉爲隆以名世父曰公隆皆兼荒洪諸義小兒曰倪案讀如昵孟子反其旒倪旒耄也倪小兒也周去非曰仆音嫻言小兒也通稱婦人曰嫻廣雅馳子我反母也案土話轉而爲母亞切如母曰馳嬖之類通稱男子曰甫爾雅甫大也案詩甫田箋甫之言丈夫也蓋甫爲男子之美稱今土人稱一男子爲一甫如個人則曰甫人是也讀剖平聲婦稱夫曰壻聲如綏說文壻从士胥案女子謂丈夫爲壻如言甫壻是也老婦曰媪讀若輿說文媪母老稱廣雅媪母也以牡爲特引伸以名男子亦曰特案特亦美稱詩所謂百夫之特

肉糜飯曰餼詩乃裹餼糧爾雅義疏餼食也詩伐木傳同公劉釋文餼字或作糗通作糗書峙乃糗糧說文引作峙乃餼糧是餼糗通也食曰噉亦曰饜廣雅饜食也於恨切看曰瞭楚辭瞭冥冥而薄天張華云能遠視也有曰迷帝王世紀擊壤歌日出而作日入而息鑿井而飲耕田而食帝力於我何有哉案土音以有爲迷與擊壤歌合鹽曰鹵說文鹵西方鹹地也案玉篇作滷引書海濱廣斥滷土音菊去聲火曰燬讀如肥爾雅義疏燬火也詩曰王室如燬燬齊人語火者古讀喜左傳襄三十年或叫於宋太廟曰謔謔出出鳥鳴於毫社曰謔謔謔即火之聲也詩七月流火與九月授衣韵案七月流火以下授衣萑葦並叶是火讀肥之証或謂土語之火即大易之離離爲火是謔燬離皆得肥聲痛曰隱去聲詩傳隱痛也水曰坎聲如淋案說卦坎爲水小篆作今益字爲其本形土人讀坎爲淋形義聲俱古而切樹株曰科聲如歌廣雅科本也案猶言一株一章女陰曰也說文今鄙俗詈人之辭曰也孀蒙蒙汝也孀即母門曰闌詩出其闌闌毛曰穉說文从毛菡聲詩毳衣如璊徐注莫奔切案詩本韵門聲俗轉爲奔聲頤下爲胡聲如何新方言胡牛頤垂也今人謂鬚曰胡髭俗作鬚廣東惠潮嘉音轉如姑謂鬚爲鬚胡此乃引伸義浙江紹興謂喉曰胡隴乃近本義豕曰豕讀買爾雅豕豕息也案說文牟牛鳴也以牛象其聲氣從口出牛鳴爲牟猶豕息爲豕也山豕曰豕聲如殷方言爲豕豚也關西謂之豕廣雅豕豕也豕豕皆疊

韻字鴨曰鳴孟子一匹雛禱曰袴耜曰耨本耨轉聲集韵耨即到切勞去聲摩田器韵補耨爾皎切梁武帝藉田詩公卿秉耒耜庶民荷鋤耨一人慙百王三推先億兆黑曰盧黑沉沉曰盧桑桑讀入聲即沉沉之音轉直曰縮孟子自反而縮屋曰闌船曰艦纂者蝸寄廬隨筆

凡四山合畚中可居人者曰峒讀弄字亦作隴或作弄連綿不斷之土嶺曰淥湧泉曰幕通用土字爲呬上林土字則作沓土山曰壩音累大小流水俱曰馱讀打平聲其地名冠有伏塘波剝諸字者皆此方發語之辭纂者微實

上林土字甚多以人人皆能任意剝製也茲擇其尤著者錄之庶閱此方地志者之得其本音而不待於他詢焉  
辻讀古倫切上也还拉上聲下也闌拏硬切黑也閔舍糯切內也埔南去聲田地也沓讀幕湧泉也尸讀莽半邊也至音令成塊之石也他若讀音雖同而其義却異者如巖穴曰敢亦作感瀦水曰浪凡水俱曰淋而音則近楞也其峒弄隴龍枯可古棵則音義如一矣同上

上林語言除城市及古蓬墟三里城鄒墟三處畧操正音外其各鄉居民則用獐客挨三種言語而獐之中又分獐話蠻話談吐稱謂雖同然音之高下疾徐不無畧異其毘連賓陽第二區之榮富繁富兩鄉第三區之思隴尙仁尙義三鄉間有雜操賓陽土話者俗謂之客話其繁富澄泰兩鄉與東關鎮鄒兩鄉間有挨語俗謂之曰新民



話客挨兩種與粵音白話大同小異音義尙頗易曉惟獮話苗語雖多古音古義然非證以羣經及漢人音讀則無從索解也據採訪修

全縣通行獮話名墟市通行官話二三兩區兼操陽賓土話廣西民政視察報告彙編

上林惟淥茅環近諸村仍操伊等祖籍湖廣鄉音縣城及北區墟市之上則間講官話其鄒白二墟與舊巷賢鄉之半皆說平話平話者蓋介於西江流域通行白話與普通官話兩者之間土著謂之客話澄泰一帶則說新民話即屯話又稱挨話亦曰客話餘俱純用土語纂者微實

謹案方今物質進化世界大通其於五洲言文尙求統一而此彈丸之地竟爾語言歧出以致種種隔閡種種窒礙俱發生於此洵邑中之缺點也雖其中間存古音然究對於進化方面大有阻力願弗狃夫習慣而不亟籌良法以牖導而不變之也

### 敝俗惡習附

性嘉爭訟其見事生風刁唆誣誑倘與人仇隙雖睚眦必報不惜身命或先服斷腸草或藍靛草根急奔赴仇家取水立飲頃刻毒發而死其服斷腸草者七竅流血徧體青腫猶易相驗若服藍根止口流白沫面色微青而已不見種種惡相蓋以兩草不同一則斂藏在內一則發露於外故也聞之土人云服斷腸草者不飲水者猶可救蓋毒尙未散行凝聚一處速用白鴨血或生羊血灌之輒裹惡物吐出少遲無及矣至藍根則不知用何解法更上林縣志卷之六

一伍

廣州市龍藏街西雅印

有一種刁頑圖賴人命或將死人取扶桑花塗擦其要害處肌理卽轉紫黑儼若傷痕欺罔官府以恣其婪詐採風問俗者不可不知張邵振舊志

明末國初邑中往往有火化之舉父母歿卽積薪焚化收拾灰燼裝以瓦礫而葬之自乾隆以來已無此種惡俗惟親故則瘞棺於淺土三年後起土開棺拾遺骨於瓦礫而寄諸土謂之小葬富貴之家則盛以美材停諸外室必擇吉地而始葬謂之大葬甚有惑於風水之說至數十年而弗克葬者邑人李維坊著有續葬論力闢堪輿之謬議論正大識解高超洵屬有功世道之文徐衡紳縣志

吃飯仙巫覡之徒也借術誑衆而庸夫愚婦翕然敬信謂其能知未來之事故羣以仙目之耳其人或男或女在家設位號爲仙壇有問事者則奉以錢米各詣壇前焚香通款巫伏首於案隨拍戒尺一下撥米少許撒於空中曰發馬召鬼少頃問事者之祖先亡魂卽附於巫身與家人縱談休咎其患病者則謂爲某鬼作祟無子者則謂爲命宮帶煞必命其備具儀物就壇禱解或延其至家設壇建醮酬以掛壇布若干丈三牲香油若干錢間有驗者則認巫爲乾爺乾娘故巫覡之家義女甚多俗呼爲禁亦呼爲鬼就問事者謂之參禁亦謂之問鬼徐衡紳縣志

狼人婚之日女至夫家合巹其夫用拳擊女背者二閩叙粵西偶記

謹案今縣中亦間有此惡習謂之交婚特以扇代拳耳新人初至有何失禮於舅姑夫婿而遽爲此野蠻舉動耶殆狼俗之未化者也

粵西叢載所云之火箭邪術上林亦有秘密而習之者其法不論鉛鐵彈丸俱可用符咒禁制之暗以射人及猪牛等物中之者脛骨立折然被射者猪牛樹木居多中人則僅所放之毒每實於大路之旁行人偶或誤踐卽患足痛而發熱難忍旋漸露創口血水交流用甌炊足其痛稍定投以諸藥都難收效惟延持術之人以藥敷之隨於患處挑出一物或毛或骨或綿布其患始瘥蓋習是術者欲藉之圖利非專以報仇亦無如叢載所云立踏流血頭目腫裂而殞之事也聞此輩每月例放毒一二次倘落空不中則必已殃以故常患足疾欲避其害惟佩黃

金可免

據徐衡紳縣志修

鄉間每因糾紛事件至團局區局請求排解須納局費一二元不等離城較遠之區則土劣可操生死予奪之權

布弄是非人民往往爲之破家蕩產

廣西民政視察報告彙編

寡婦及離婚婦出嫁聘金多至二百元謂之身价第六區頗多吸食鴉片之人<sub>上</sub>

入贅一舉俗亦不免或僅生女而不生男者卽招壻入贅承頂裡祀姓系享有女家資產但不能挾產歸宗甚有寡媳寡婦貪戀家產不肯改嫁而招人入贅且有同姓爲婚者澆風薄俗莫斯爲甚然詩禮之家現尙罕見甚冀

上林縣志卷之六

一陸

廣州市龍藏街西雅印

教化普及盡人咸敦廉恥勿俾善良風俗致爲所涅

據採訪修

西北居民喜鬪好訟每因些須細故而互控纏訟不休光緒前東南各鄉尙時以蠻人多事非笑之近則頽風亦已延及矣其爲民氣二字錯認所激歟抑或緣自由二字所誤殊不可解<sub>上</sub>

大龍洞附近各居民結婚之夜男女同唱山歌互相酬答以表慶賀

亭亮一方多有女子惑於邪說終身茹素而不嫁者<sub>俱同上</sub>

謹案右列惡習本不應載致汗簡編第古者輶軒採風美惡並錄蓋欲藉以觀政治之得失識風俗之良窳且冀於法禁整飭挽救外俾令讀之者之咸知正軌而亟加改革耳茲編法之高明君子其亦知否良工心苦乎

### 自治團體

通縣各墟市所有對於治安衛生諸事皆由其地方團局辦理第無有固定治理之規則此外則中華民國元年曾成立縣自治議參兩會三年非法解散九年恢復十四年改選旋復停罷是年改清末所設籌捐局泊民國改稱地方經費局爲財務局設正副局長各一人會計書記各一人二十二年七月併入縣政府二十一年成立風俗改良會設常務委員三人委員四人清潔委員會設常務一人委員三人自治籌備委員會設委員長一人委員七人二十二年又成立息訟會設常務委員一人委員四人廣西防空委員會上林縣分會設常務三人委員

四人其農林兩會則於民國三年成立林業公會後停辦至九年改立農會設會長一人會員四十人十五年停辦而改組農林研究會設會長一人技術一人書記一人會員九十人月支經費六十元於大豐墟東岸闢治苗圃一區種植桐杉頗著成效十九年因款絀復廢農會成立之年又立棉業促進會設會長一人會員三十人次年即行停辦縣商會乃民國十年年成立者雖亦設有會長二人會員九十二人然亦徒具空名耳

據採訪修

### 民團

本縣團務總局民國十九年五月改爲民團司令部並成立民團參議會飭各團徵選精壯識字團丁送部編成常備隊兩隊隊各九十名夫七名號兵二名設正副司令各一人隊長二人正司令例以木縣縣長兼充隸廣西團練第六區區部前在南寧省城繼移賓陽今在武緣每隊月支經常費九百餘元並同司令部之三百餘元約共月支二千二百餘元在地方原日團款及路捐項下動支其不敷之數則由地方籌繳二十一年七月縮編成爲一隊係乙種編制計七十二名每月經費一千四百七十餘元改由省庫撥給後備隊二百三十七隊第一期訓練十分之一每隊約十二元共津貼二百七十元亦由省庫撥給各區局練四六名不等就地籌款或徵戶口捐二十二年二月抽練保安隊一班每月經費八十餘元於地方財務局照領計共有各項槍枝一百四十餘桿

上林縣志卷之六

一柒

廣州市龍藏街西雅印

全部駐紮舊日文廟之內正副司令隊長外復有三等辦事員三人近又裁去隊長辦事員改設參謀副官書記

各一人添設助教六人

據廣西民政視察彙編及採訪

### 善舉

謹案上林因地僻民貧籌款不易故醫院紅十字會清節堂育嬰堂種種慈善美舉皆未興辦從前雖有養濟院一區然自雍正間卽已倒塌無存

養濟院在北郊外康熙二十五年修

謝啓昆廣西通志

今圮

徐衡紳縣志

故址在今北廂古老村民間俱稱養濟院爲孤老院古

老盖卽孤老之音譌採訪

廣西孤貧日給銀八釐米一升上林縣孤貧四名歲支銀十二兩五錢二分遇閏加銀九錢六分冬衣銀二兩棺

木銀二兩

參謝啓昆廣西道志

謹案養濟院之設所以收養疲癯施恩窮獨實王政之所宜先乃無告之所仰賴方今國體刷新庶務畢舉其於不甚關於緊要者尙講求籌備以期進行恢復不遺餘力惟舊日具有之養濟一院轉聽其歸於消沉竟無起而道及之者寧非缺陷尙冀慈祥君子同抱已饑已溺之心各啜觸囊捐資裘成集腋仍就原日故址重行起蓋則天高聽卑必降爾遐福矣